

**ЎЗБЕКИСТОН РЕСПУБЛИКАСИ ПРЕЗИДЕНТИНИНГ  
ФАРМОНИ**

**РЕСПУБЛИКАДА ЎСИМЛИКЛАР КАРАНТИНИ ВА ҲИМОЯСИ ТИЗИМИНИ ТУБДАН  
ТАКОМИЛЛАШТИРИШ ЧОРА-ТАДБИРЛАРИ ТҮҒРИСИДА**

Ўсимликлар карантини ва ҳимояси бошқарув тизимини янада такомиллаштириш, фитосанитар ва озиқ-овқат хавфсизлигини таъминлаш, минерал ўғит ва кимёвий воситаларни етказиб бериш ва хизмат кўрсатиш тизимини тўлиқ хусусий секторга ўтказиш, ташқи бозорда маҳаллий қишлоқ хўжалиги маҳсулотларининг рақобатбардошлигини ошириш ва мамлакат экспорт салоҳиятини кенгайтириш, минерал ўғитлар ва агрокимёвий хизматлар сифатини ошириш мақсадида:

1. Вазирлар Махкамаси ҳузуридаги Ўсимликлар карантини давлат инспекцияси негизида Ўзбекистон Республикаси Ўсимликлар карантини ва ҳимояси агентлиги ташкил этилсин.

2. Иқтисодий тараққиёт ва камбағалликни қисқартириш вазирлиги, Қишлоқ хўжалиги вазирлиги, Молия вазирлиги, Монополияга қарши курашиш қўмитаси, Давлат солик қўмитаси, Давлат активларини бошқариш агентлиги, «Ўзагрокимёҳимоя» АЖ ва худудий «Агрокимёҳимоя» АЖлар акциядорларининг:

«Ўзагрокимёҳимоя» АЖ ва худудий «Агрокимёҳимоя» АЖлар;

Қишлоқ хўжалиги вазирлиги ҳузуридаги Кимёлаштириш ва ўсимликларни ҳимоя қилиш воситаларини синовдан ўтказиш ва рўйхатга олиш бўйича давлат комиссиясини тугатиш түғрисидаги таклифларига розилик берилсин;

«Ўзагрокимёҳимоя» АЖ ва худудий «Агрокимёҳимоя» АЖларни тугатиш бўйича Республика комиссияси (кейинги ўринларда — Тугатиш комиссияси) таркиби 1-иловага мувофиқ ва унинг худудий комиссияларининг (кейинги ўринларда — худудий комиссия) намунавий таркиби 2-иловага мувофиқ тасдиқлансан.

3. Тугатиш комиссияси (Ш.М. Фаниев):

уч ой муддатда «Ўзагрокимёҳимоя» АЖ ва худудий «Агрокимёҳимоя» АЖлар дебитор ва кредитор қарздорликларини белгиланган тартибда хатловдан ўтказиб, кредиторлар билан ҳисоб-китобларни амалга оширасин;

икки ой муддатда «Ўзагрокимёҳимоя» АЖ ва худудий «Агрокимёҳимоя» АЖлар мол-мулклари ва асосий воситаларини хатловдан ўтказиб, Ўсимликлар карантини ва ҳимояси агентлигига (кейинги ўринларда — Агентлик) ўтказиш ёки хусусийлаштириш чораларини кўрсин;

мол-мулк ва техникаларни талон-торож қилинишининг олдини олиш бўйича чоралар кўриб борсин.

4. Ўсимлик зааркунандалари, касалликлари ва бегона ўтларга қарши курашда ишлаб чиқариш ва хизмат кўрсатиш билан шуғулланувчи тадбиркорлик субъектлари томонидан ушбу йўналишда зарур ишлов бериш техникалари, агрометеостанциялар, биолаборатория жиҳозлари ва бошқа ускуналар харид қилинишда давлат томонидан 2024 йил 31 декабрга қадар қўллаб-куватлашнинг қуидаги тартиби жорий қилинсин:

а) қуидагилар Тадбиркорлик фаолиятини қўллаб-куватлаш давлат жамғармаси томонидан компенсация қилинади:

суммаси 10 млрд сўмдан, фоиз ставкаси Марказий банк асосий ставкасининг 1,75 баробаридан ошмайдиган миллий валютада ажратиладиган кредитлар учун фоиз тўловларининг харажатлари, Марказий банкнинг асосий ставкасидан ошадиган, лекин 7 фоиз пунктдан кўп бўлмаган қисми;

тижорат банклари томонидан эквиваленти 10 млрд сўмдан ошмайдиган хорижий валютада ажратиладиган кредитлар учун — тиҷорат банклари томонидан белгиланган фоиз ставкасининг 30 фоизигача, бироқ 3 фоиз пунктидан кўп бўлмаган миқдорда фоиз;

б) ажратиладиган кредит таъминотининг 50 фоизигача, бироқ 10 млрд сўмдан ортиқ бўлмаган миқдорда Тадбиркорлик фаолиятини қўллаб-куватлаш давлат жамғармаси кафиллик тақдим этади.

5. Қуидагилар «Агробанк» АТБ томонидан:

ўсимлик зааркунандалари, касалликлари ва бегона ўтларга қарши курашда ишлаб чиқариш ва хизмат кўрсатиш билан шуғулланувчи тадбиркорлик субъектларига лабораторияларни ташкил этиш, ускуна ва техникаларни сотиб олиш ҳамда айланма маблағлари учун 200 млрд сўмлик кредит линияси очилганлиги;

Кишлоқ хўжалиги йўналишида, шу жумладан ўсимликларни ҳимоя қилиш соҳасида илмий фаолиятни кўллаб-кувватлаш, мутахассислар ва ахолининг билим даражасини ошириш мақсадида «Агробанк» АТБ қошида «Фермерлар мактаби» ташкил этилганлиги;

Ўсимликларни ҳимоя қилиш илмий-тадқиқот институти ва соҳадаги изланувчиларнинг илмий фаолиятини кўллаб-кувватлаш мақсадида янги инновацион тадқиқотларни амалиётга жорий қилганлик учун 10 млрд сўм микдорида грант ажратилганлиги маълумот учун қабул қилинсин.

6. Тошкент вилояти ҳокимлиги ва «Агробанк» АТБнинг Тошкент вилоятида ўсимликларни ҳимоя қилишнинг комплекс хизматларини кўрсатувчи марказни (кейинги ўринларда — Намунавий марказ) ташкил этиш бўйича буюртмачи этиб «Агробанк» АТБни белгилаш тўғрисидаги таклифига розилик берилсин.

7. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари зиммасига «Агробанк» АТБ билан биргалиқда Намунавий марказ тажрибаси асосида тадбиркорларнинг ўсимликларни ҳимоя қилишнинг комплекс хизматларини кўрсатувчи бизнес лойихаларини ташаббускорларнинг ўз маблағлари, банк кредити ва лизинг асосида босқичма-босқич ташкил этиб бориш вазифаси юқлатилсин.

8. Вазирлар Махкамаси бир хафта муддатда Агентлик фаолиятини ташкил этиш тўғрисидаги Ўзбекистон Республикаси Президентининг қарори лойихасини Ўзбекистон Республикаси Президенти Администрациясига киритсан.

#### 9. Агентлик:

а) Кишлоқ хўжалиги вазирлиги, Молия вазирлиги ҳамда Иқтисодий тараққиёт ва камбағалликни кисқартириш вазирлиги билан биргалиқда 2021 йил 1 декабрга қадар фавқулодда вазиятларда зааркунандаларга қарши курашиш ҳамда ҳосилни сақлаб қолишини таъминлаш билан боғлиқ харажатларни қоплаш тартибини ишлаб чиқиб, Вазирлар Махкамасига киритсан;

б) олти ой муддатда «Ўсимликлар карантини тўғрисида»ги ва «Кишлоқ хўжалик ўсимликларини зааркунандалар, касалликлар ва бегона ўтлардан ҳимоя қилиш тўғрисида»ги қонунлар нормаларини қайта кўриб чиқиб, Вазирлар Махкамасига тегишли қонун лойихасини киритсан;

в) жорий йил якунига қадар минерал ўғит ва кимёвий воситалар импорти, улгуржи ва чакана савдо фаолиятини лицензияланадиган фаолият турлари рўйхатига белгиланган тартибда киритиш чораларини кўрсин;

#### г) жорий йил якунига қадар:

хусусий секторда ўсимликлар ҳимояси соҳасида хизмат кўрсатадиган юридик ва жисмоний шахсларнинг ходимларини сертификатлаш;

кишлоқ хўжалиги маҳсулотларини етиштиришда айрим кимёвий воситаларни агроном-инспекторнинг тавсияси ва рецепти асосида ердан фойдаланувчининг шахсини тасдиқловчи хужжат асосида сотиш тартибини ишлаб чиқиб, тасдиқлаш учун Вазирлар Махкамасига киритсан.

10. Ушбу Фармонда белгиланган чора-тадбирларнинг самарали ва ўз вақтида амалга оширилишини таъминлаш мақсадида:

а) Бандлик ва меҳнат муносабатлари вазирлиги (Н.Б. Хусанов) Агентлик билан биргалиқда заарли организмларга қарши кураш тадбирларини амалга оширишда агроном, фитопатолог, энтомолог, хим-биолог бўлган мутахассисларни иш билан таъминлаш мақсадида уларни ўқитиш ва малакасини ошириш орқали ўсимликлар клиникалари фаолиятини ташкил этиш тартибига мувофиқ, ўсимликлар клиникалари ва биолабораторияларга жалб қилиш тизимини шакллантиурсин;

б) Ахборот технологиялари ва коммуникацияларини ривожлантириш вазирлиги (Ш.М. Садиков) Агентликнинг «e-Fitouz» автоматлаштирилган ахборот тизимини янада кенг жорий қилиш мақсадида соҳага оид барча фаолиятни ушбу тизимга интеграция қилишда тегишли чора-тадбирларни амалга оширсан;

в) Санитария-эпидемиологик осойишталиқ ва жамоат саломатлиги хизмати (Б.Қ. Юсупалиев) кишлоқ хўжалиги маҳсулотлари таркибида заарли моддаларнинг (пестицидлар, микотоксинлар, нитратлар, токсик элементлар, минерал ўғитлар ва бошқалар) микдорини белгилаш ва уларнинг хавфсизлигига қўйиладиган талабларни халқаро стандартларга уйғунлашгирсан.

11. Қорақалпоғистон Республикаси Вазирлар Кенгashi Раиси, вилоятлар ва Тошкент шаҳар ҳокимлари мазкур Фармонда белгиланган вазифалардан келиб чиқиб, янги тизимни самарали ташкил этиш бўйича аниқ чора-тадбирларни назарда тутувчи «Йўл хариталари»ни тасдиқласин ва унда белгиланган

вазифаларнинг ўз вақтида, тўлиқ ҳажмда ва сифатли бажарилиши учун шахсан масъул эканликлари кўрсатиб ўтилсин.

12. Агентлик Ахборот ва оммавий коммуникациялар агентлиги, Ўзбекистон Миллий ахборот агентлиги, Ўзбекистон Миллий телерадиокомпанияси билан биргаликда:

Фармоннинг мақсад ва вазифаларини оммавий ахборот воситаларида кенг ёритиш ишларини ташкиллаштиргисин;

ўсимликларни ҳимоя қилиш соҳасидаги тадбирларни амалга ошириш тўғрисида телевидение орқали кўрсатувларни доимий намойиш қилсин ҳамда ижтимоий реклама сифатида уларни телевидение ва радиоканалларда жойлаштиргисин.

13. Ўзбекистон Республикаси Президентининг айрим хужжатларига З-иловага мувофик ўзгартириш ва қўшимчалар киритилсин.

14. Агентлик манфаатдор вазирлик ва идоралар билан биргаликда икки ой муддатда қонунчилик хужжатларига ушбу Фармондан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

15. Мазкур Фармон ижросини самарали ташкил этишга масъул ва шахсий жавобгар этиб ўсимликлар карантини ва ҳимояси агентлиги бош директори, Қорақалпоғистон Республикаси Вазирлар Кенгаши Раиси, вилоятлар ва Тошкент шахар ҳокимлари белгилансин.

Фармон ижросини муҳокама қилиб бориш, ижро учун масъул идоралар фаолиятини мувофиқлаштириш ва назорат қилиш Бош вазир ўринбосари Ш.М. Фаниев зиммасига юклансин.

Амалга оширилаётган чора-тадбирлар натижадорлиги тўғрисида 2021 йилнинг 31 декабрь кунига кадар Ўзбекистон Республикаси Президентига ахборот берилсин.

**Ўзбекистон Республикаси Президенти Ш. МИРЗИЁЕВ**

Тошкент ш.,  
2021 йил 15 июль,  
ПФ-6262-сон

Ўзбекистон Республикаси  
Президентининг 2021 йил 15 июлдаги  
ПФ-6262-сон Фармонига  
1-ИЛОВА

### **«Ўзагрокимёҳимоя» АЖ ва худудий «Агрокимёҳимоя» АЖларни тугатиш бўйича Республика комиссияси**

#### **ТАРКИБИ**

- |                        |   |
|------------------------|---|
| 1. Ш. Ганиев           | — Бош вазир ўринбосари, <i>Комиссия раиси</i>   |
| 2. А. Ортиков          | — Давлат активларини бошқариш агентлиги директори, <i>Комиссия раисининг ўринбосари</i> |
| 3. Ш. Умуроев          | — «Ўзагрокимёҳимоя» АЖ раиси в.в.б. <i>комиссия раисининг ўринбосари</i>                |
| 4. Ш. Рахимов          | — Бош прокурор ўринбосари   |
| 5. О. Насритдинходжаев | — молия вазирининг биринчи ўринбосари   |
| 6. И. Норкулов         | — иқтисодий тараққиёт ва камбағалликни қисқартириш вазирининг биринчи ўринбосари        |
| 7. С. Нишанбаев        | — ички ишлар вазири ўринбосари  |
| 8. Х. Мелиев           | — адлия вазири ўринбосари   |
| 9. Ш. Тешаев           | — қишлоқ хўжалиги вазирининг биринчи ўринбосари   |
| 10. А. Файзибаев       | — Давлат солик қўмитаси раиси ўринбосари  |
| 11. Х. Садиков         | — Ҳисоб палатаси бош инспектори   |
| 12. Лавозими бўйича    | — Ўсимликлар карантини ва ҳимояси агентлиги бош директорининг иқтисод бўйича ўринбосари |
| 13. О. Омонов          | — Молия вазирлигининг Давлат молиявий назорат департаменти директори ўринбосари         |
| 14. К. Мақсудов        | — «Ўзагрокимёҳимоя» АЖ бўлим бошлиғи, <i>Комиссия котиби</i>                            |

Изоҳ: Комиссия аъзолари бошқа ишга ўтган тақдирда унинг таркибига ушбу лавозимга янгидан тайинланган ёки зиммасига тегишли вазифалар юклатилган шахслар киритилади.

Ўзбекистон Республикаси  
Президентининг 2021 йил 15 июлдаги  
ПФ-6262-сон Фармонига  
2-ИЛОВА

**«Ўзагрокимёҳимоя» АЖ ва худудий «Агрокимёҳимоя» АЖларни тугатиш бўйича худудий  
комиссияларининг**

**НАМУНАВИЙ ТАРКИБИ**

1. Лавозими — Қорақалпоғистон Республикаси Вазирлар Кенгаши Раиси, вилоятлар ҳокимлари, *Худудий комиссия раҳбари*
2. Лавозими — Қорақалпоғистон Республикаси Вазирлар Кенгаши Раиси ва вилоят ҳокимларининг қишлоқ ва сув хўжалиги масалалари бўйича ўринbosарлари, *Худудий комиссия раҳбари ўринbosари*
3. Лавозими — Қорақалпоғистон Республикаси, вилоятлар прокурорлари ўринbosарлари
4. Лавозими — Қорақалпоғистон Республикаси Молия вазирининг ўринbosари, вилоят ҳокимлари молия бош бошқармаларининг бошлиқлари
5. Лавозими — Қорақалпоғистон Республикаси Иқтисодий тараққиёт ва камбағалликни қисқартириш вазирининг ўринbosари, вилоятлар Иқтисодий тараққиёт ва камбағалликни қисқартириш бош бошқармалари бошлиқлари
6. Лавозими — Қорақалпоғистон Республикаси ИИВ, вилоятлар Ички ишлар бошқармаси бошлигининг ўринbosари — Жамоат хавфсизлиги хизмати бошлиқлари
7. Лавозими — Қорақалпоғистон Республикаси Адлия вазирининг ўринbosари ва вилоятлар Адлия бошқармалари бошлиқлари
8. Лавозими — Қорақалпоғистон Республикаси, вилоятлар қишлоқ хўжалиги худудий бошқармаси бошлиқлари
9. Лавозими — Қорақалпоғистон Республикаси, вилоятлар Давлат солик бошқармалари бошлиқлари
10. Лавозими — Давлат активларини бошқариш агентлигининг Қорақалпоғистон Республикаси, вилоятлар бошқармалари бошлиқлари
11. Лавозими — Ўзбекистон Республикаси Молия вазирлигининг Давлат молиявий назорат департаментининг Қорақалпоғистон Республикаси, вилоятлар бошқармалари бошлиқлари
12. Лавозими — Қорақалпоғистон Республикаси Ўсимликлар карантини ва ҳимояси агентлигининг, вилоятлар ўсимликлар карантини ва ҳимояси бошқармалари бошлиқлари
13. Лавозими — Қорақалпоғистон Республикаси, вилоятлар худудий «Агрокимёҳимоя» худудий АЖларнинг раислари, *худудий комиссия котиби*

Изоҳ: Худудий комиссия аъзолари бошқа ишга ўтган тақдирда унинг таркибига ушбу лавозимга янгидан тайинланган ёки зиммасига тегишли вазифалар юкланган шахслар киритилади.

Ўзбекистон Республикаси  
Президентининг 2021 йил 15 июлдаги  
ПФ-6262-сон Фармонига  
3-ИЛОВА

**Ўзбекистон Республикаси Президентининг айрим ҳужжатларига киритилаётган ўзгартириш ва  
қўшимчалар**

1. Ўзбекистон Республикаси Президентининг 2003 йил 9 декабрдаги «Республика давлат бошқаруви органлари тизимини тақомиллаштириш тўғрисида»ги ПФ-3358-сон Фармонига илованинг:  
III бўлими қўйидаги мазмундаги 11-банд билан тўлдирилсин:  
«11. Ўзбекистон Республикаси Ўсимликлар карантини ва ҳимояси агентлиги»;  
VI бўлимидан 10-банди чиқариб ташлансин.
2. Ўзбекистон Республикаси Президентининг 2018 йил 27 июлдаги «Тадбиркорлик субъектларининг ҳукуклари ва конуний манфаатларини ҳимоя қилиш тизимини янада тақомиллаштириш

чора-тадбирлари тўғрисида»ги ПФ-5490-сон Фармонига 2-илованинг 12-позицияси қўйидаги таҳрирда баён этилсин:

« 12.	Ўсимлик ва қишлоқ хўжалиги маҳсулотларини ишлаб чиқариш, тайёрлаш, ташиш, саклаш, қайта ишлаш, сотиш ва улардан фойдаланиш қоидаларига риоя қилиш хамда ўсимликлар карантини бўйича тадбирлар ўтказилиши устидан назорат қилиш.	Ўзбекистон Республикаси Ўсимликлар карантини ва ҳимояси агентлиги	1 кун
-------	---	--	-------

3. Ўзбекистон Республикаси Президентининг 2016 йил 24 октябрдаги «Ўсимликларни ҳимоя қилиш ва қишлоқ хўжалигига агрокимёвий хизматларни кўрсатиш тизимини такомиллаштириш чора-тадбирлари тўғрисида»ги ПҚ-2640-сон қарори ўз кучини йўқотган деб ҳисоблансин.

4. Ўзбекистон Республикаси Президентининг 2017 йил 27 февралдаги ПҚ-2800-сон «Ўзбекистон Республикаси вазирларни, идоралари ва ташкилотларининг формали кийим-бошларини ишлаб чиқиш, стандартлаштириш, тасдиқлаш ва тайёрлаш механизмини тартибга солиш чора-тадбирлари тўғрисида»ги қарорига 1-илованинг «Идоравий формали кийим» бўлимидаги 7-позицияси қўйидаги таҳрирда баён этилсин:

«Ўзбекистон Республикаси Ўсимликлар карантини ва ҳимояси агентлиги».

5. Ўзбекистон Республикаси Президентининг «Ўзбекистон Республикаси Вазирлар Маҳкамаси хузуридаги Ўсимликлар карантини давлат инспекцияси фаолиятини ташкил этиш тўғрисида» 2017 йил 30 августдаги ПҚ-3249-сон қарори ўз кучини йўқотган деб ҳисоблансин.

6. Ўзбекистон Республикаси Президентининг 2018 йил 28 февралдаги «Пахта хом ашёси ва бошоқли дон етиширишни молиялаштириш тизимини тубдан такомиллаштириш чора-тадбирлари тўғрисида»ги ПҚ-3574-сон қарорига 8-банднинг учинчи хатбошисидаги «100 миллиард» сўзлари «50 миллиард» сўзлари билан алмаштирилсин.

7. Ўзбекистон Республикаси Президентининг 2018 йил 28 марта даги «Ўсимликлар карантини бўйича давлат хизмати фаолиятининг самарадорлигини оширишга доир қўшимча чора-тадбирлар тўғрисида»ги ПҚ-3626-сон қарори ўз кучини йўқотган деб ҳисоблансин.

8. Ўзбекистон Республикаси Президентининг 2020 йил 13 октябрдаги «Ўсимликлар карантини бўйича давлат хизмати фаолиятини янада такомиллаштириш чора-тадбирлари тўғрисида»ги ПҚ-4861-сон қарорининг 1, 3, 4, 5, 6, ба ва 8-иловалари ўз кучини йўқотган деб ҳисоблансин.

9. Ўзбекистон Республикаси Президентининг 2021 йил 3 февралдаги «Ўзбекистон Республикаси Қишлоқ хўжалиги вазирлиги хузуридаги Қишлоқ хўжалигига билим ва инновациялар миллий маркази фаолиятини ташкил этиш тўғрисида»ги ПҚ-4975-сон қарорига 1-иловадаги «Ўсимликларни ҳимоя қилиш илмий-тадқиқот институти» блоки чиқарib ташлансин.

10. Ўзбекистон Республикаси Президентининг 2021 йил 24 февралдаги «Қишлоқ хўжалигига мўлжалланган ерлардан фойдаланиш ва муҳофаза қилиш тизимини такомиллаштиришга доир қўшимча чора-тадбирлар тўғрисида»ги ПҚ-5006-сон қарорига 1-иловадаги ««Кимёлаштириш ва ўсимликларни ҳимоя қилиш воситаларини синовдан ўтказиш ва рўйхатга олиш бўйича давлат комиссияси Ишчи органи» давлат унитар корхонаси» блоки чиқарib ташлансин.

(Қонунчилик маълумотлари миллий базаси, 16.07.2021 й., 06/21/6262/0680-сон)